

եղև Զատիկ և Յարութիւն Տեառն մերոյ Յիսուսի Քրիստոսի:

Ուրբաթ օրս (23 Ապրիլ) էր յիշատակ Սուրբ Գէորգայ, որ ասի ըստ բառի ալլադգեացն՝ Խըտըրէլիադ. գնացաք մերայնօքս հանդերձ ի յՕրթաքօյն յուխտ Սուրբ Գէորգայ և անտի՝ ի Պէշիքտաշն, և էր ընդ մեզ Վարդանն և Զարգարն և Պետրոս նոցա, և անդ կացաք: Եւ ի նոր Կիրակի (25 Ապրիլ) երեկոյիս եկաք ի տուն, և էր անձրև մեղմագոյն: Բշի (26 Ապրիլ) ի գէմ երեկոյիս անցեալ զետինքն եղև անձրև մեծ մինչև կէս ժամ և ապա էանց: Եւ երեկոյիս՝ ի մէջ աղշամպաղուն և եաթսուին նստեալ կայի ի Մզտեսոցն, աղաղակ մեծ ելաւ թէ Երոցք կայ, և մեր ելեալ ի դուրս, տեսեալ զի եկեղեցի մեր էր որ այլէր, որ ասի Սուրբ Սարգիս. այրեցաւ և տանիսն ի վայր իջաւ և կանգնեալ քնաց չորս պատն: Եւ հասեալ ի վերայ նորա էնկիշերիք և չորպաճիք ի մարել, ևս և Կուռճի Մէհէմէտ վէզիրն եկեալ մինչ ի Սուրբ Նիկողոս և ընդ առաջ նորա եղեն մեծամեծք նորա՝ թէ մարեցաւ, և նա եկեալ ընդ Վլանկայովն՝ անց գնաց:

Եւ առաւօտուս Գշի (27 Ապրիլ) խօսեցան իրիցունքն և ոմանք յիշխանացն ընդ սուպաշին թէ Զպատն փլուցենք որ շինենք, նա՛ մեծ լինի, և ասացին նորա ըստակ. և յետ այնորիկ փոքր մի՝ երէցն եկեալ փլոյց և փոքր մի՝ մէկայլ երէցն, և այսպէս զգրան պատն և զհիւսիսոյ կողմի պատն փլուցին մինչև ի հիմն՝ յոյս¹⁾ ունելով թէ շինեսցի: Եւ բռնաւորք քաղաքիս մըռմըռեալ՝ թէ Հայք վասն է՞ր զեկեղեցին այրեցին. վասն ճէրէմէ առնելոյ:

Եւ ի գիշերիս որ Դշի (28 Ապրիլ) լուսանայր՝ ի Քէպէճի խանն կայր մի մէշիտ Տաճկաց և նա այրեցաւ

1) յուս.